

BOSNA I HERCEGOVINA
KARATE SAVEZ BOSNE I HERCEGOVINE
FEDERACIJA BOSNE I HERCEGOVINE
KARATE SAVEZ
FEDERACIJE BOSNE I HERCEGOVINE
SARAJEVO



BOSNIA & HERCEGOVINA
KARATE FEDERATION OF BOSNIA & HERCEGOVINA
FEDERATION OF BOSNIA & HERZEGOVINA
KARATE FEDERATION
FEDERATION BOSNIA & HERZEGOVINA
SARAJEVO

TAKMIČARSKI PRAVILNIK

KARATE SAVEZA FEDERACIJE BOSNE I HERCEGOVINE



Sarajevo: Juli 2018. godine



U skladu sa članom 20. stav (1) tačke 6.) Statuta Karate saveza Federacije Bosne i Hercegovine od 02.12.2017. godine, Upravni odbor Karate saveza Federacije Bosne i Hercegovine je na svojoj 5. redovnoj sjednici održanoj u Sarajevu dana 13.07.2017. godine u s v o j i o:

TAKMIČARSKI PRAVILNIK KARATE SAVEZA FBIH

I OPŠTE ODREDBE

Ovim Pravilnikom reguliše se način organizacije takmičenja, uslovi i pravo učešća na takmičenjima Karate saveza Federacije Bosne i Hercegovine (u daljem tekstu: Savez), a na osnovu:

1. Statuta Karate saveza Federacije Bosne i Hercegovine
2. Službenog sistema takmičenja u KS BiH, BKF, EKF i WKF.
3. Ostalih normativnih akata Saveza
4. Upustva i kriterijuma za održavanje međunarodnih, državnih takmičenja i kupova u Bosni i Hercegovini.

Na svim takmičenjima mogu učestvovati samo klubovi, ekipe i pojedinci uredno registrovani u Savezu, ukoliko ispunjavaju i ostale uslove predviđene ovim pravilnikom i drugim normativnim aktima Saveza.

Službena takmičenja i skupove organizuju i sporovdi Savez u skladu sa svojim normativnim aktima. Sva akta obavezno trebaju biti usklađena sa normativnim aktima Karate saveza Federacije Bosne i Hercegovine.

II SLUŽBENI SISTEM TAKMIČENJA

Službeni sistem takmičenja u Savezu podjeljen je na pet nivoa i to:

A) PRVI STEPEN TAKMIČENJA - MEĐUNARODNA TAKMIČENJA

Na zvaničnim međunarodnim prvenstvima nastupaju reprezentativne selekcije Saveza.

Na zvaničnim klubskim, regionalnim, evropskim i svjetskim prvenstvima mogu učestvovati klubovi, ekipe, u skladu sa pravilima BKF, EKF i WKF i odlukama Upravnog odbora Saveza.

B) DRUGI STEPEN TAKMIČENJA - DRŽAVNO PRVENSTVO

Za ovaj stepen takmičenja zadužen je Karate savez Bosne i Hercegovine gdje prijedlog o načinu takmičenja i ko stiče pravo učešća donose entitetski Savezi (Karate savez Federacije Bosne i



Hercegovine i Karate savez Republike Srpske), dok konačnu odluku donosi Upravni odbor Karate saveza Bosne i Hercegovine na prijedlog Tehničke komisije Karate saveza Bosne i Hercegovine.

C) TREĆI STEPEN TAKMIČENJA - FEDERALNO PRVENSTVO

Prvenstvo Saveza je najviši nivo zvaničnog takmičenja u Savezu i osnov za sticanje prava učešća na Državnom prvenstvu (drugom stepenu takmičenja).

D) ČETVRTI STEPEN TAKMIČENJA - GRADSKO - KANTONALNO – REGIONALNO TAKMIČENJE

Gradsko-Kantonalno-Regionalno prvenstvo kao četvrti nivo takmičenja organizuje Karate savez Grada, Kantona ili Regije. Takmičenje se organizuje na osnovu odredaba ovog Pravilnika, drugih normativnih akata i odluka Upravnog odbora.

Pravo učešća imaju uredno registrovani klubovi i takmičari.

E) PETI STEPEN TAKMIČENJA - KLUBSKO PRVENSTVO

Klubsko prvenstvo je peti nivo takmičenja i osnov za sticanje prava učešća na četvrtom stepenu takmičenja.

Zvanična takmičenja su:

- a) Prvenstva Saveza;
- b) Balkanska prvenstva;
- c) Mediteranska prvenstva;
- d) Evropska prvenstva;
- e) Svjetska prvenstva

TAKMIČENJA IZVAN SLUŽBENOG SISTEMA TAKMIČENJA

Ovim Pravilnikom obuhvaćena su i sva takmičenja izvan službenog sistema.

Takmičenja izvan službenog sistema moraju biti uvrštena u kalendar aktivnosti Saveza i odobrena od nadležnog organa.

Eventualna odstupanja od ovog Pravilnika moraju biti odobrena od Upravnog odbora Saveza.

Takmičenja izvan službenog sistema podjeljeni su na "A", "B", "C" nivo takmičenja, a odluku o tome koje takmičenje će biti uvršteno u koji nivo donosi Upravni odbor saveza na prijedlog Tehničke komisije saveza.

Kriteriji za raspored takmičenja u koji nivo pripada su:

- a) kvaliteta organizacije;
- b) kontinuitet organizovanja;
- c) broj učesnika na predhodno održanim turnirima;
- d) tehnički uslovi koje podnosilac zahtjeva (karate klub) ima za organizovanje turnira;



ORGANI KOJI OBEZBJEĐUJU SPROVOĐENJE SISTEMA TAKMIČENJA

Za realizaciju Kalendara takmičenja i ostale aktivnosti u sistemu takmičenja Karate saveza Federacije Bosne i Hercegovine, poštovanju odredaba ovog Pravilnika i drugih normativnih akata vezanih za sistem takmičenja nadležna je takmičarska komisija Saveza.

III TAKMIČARSKJE DISCIPLINE

BORBE:

- Težinske kategorije za Seniore
- Težinske kategorije za Seniorke
- Težinske kategorije za "U-21" muškarci
- Težinske kategorije za "U-21" žene
- Težinske kategorije za Juniore
- Težinske kategorije za Juniorke
- Težinske kategorije za Kadete
- Težinske kategorije za Kadetkinje
- Težinske kategorije za Dječake
- Težinske kategorije za Djevojčice

KATE:

- SENIORI pojedinačno i ekipno
- SENIORKE pojedinačno i ekipno
- "U-21" – muškarci pojedinačno
- "U-21" – žene pojedinačno
- JUNIORI pojedinačno i ekipno
- JUNIORKE pojedinačno i ekipno
- KADETI pojedinačno i ekipno
- KADETKINJE pojedinačno i ekipno
- DJEČACI 8 - 13 godina starosti pojedinačno i ekipno
- DJEVOJČICE 8 – 13 godina starosti pojedinačno i ekipno



UZRASNE KATEGORIJE

- Seniori 18 - 35 godina starosti
- Seniorke 18 - 35 godina starosti
- "U-21" muškarci 18 - 20 godina starosti
- "U-21" žene 18 - 20 godina starosti
- Juniori 16 - 17 godina starosti
- Juniorke 16 - 17 godina starosti
- Kadeti 14 - 15 godina starosti
- Kadetkinje 14 - 15 godina starosti
- Dječaci borbe 10 - 13 godina starosti
- Djevojčice borbe 10 - 13 godina starosti
- Dječaci kate 8 - 13 godina starosti
- Djevojčice borbe 8 - 13 godina starosti

Uzrasne kategorije su usklađene sa Pravilima BKF, EKF I WKF. Granične vrijednosti u pravilu se utvrđuju na dan održavanja takmičenja. Odlukom takmičarske komisije Saveza donja starosna granica se može utvrditi na dan održavanja Evropskog odnosno Svjetskog prvenstva. Starosna granica za dječije kategorije utvrđuje se godinom rođenja. Tolerancija za prekoračenje utvrđenih graničnih vrijednosti nema.

Na Prvenstvu Federacije Bosne i Hercegovine, na dan takmičenja, takmičar ne smije preći gornju starosnu granicu određene kategorije.



IV - TEŽINSKE KATEGORIJE

Seniori	Senio rke	U-21 Muška rci	U-21 Žene	Juniori	Junio rke	Kadeti	Kadetk inje
-60 kg	-50 kg	-60 kg	-50 kg	-55 kg	-48 kg	-52 kg	-47 kg
-67 kg	-55 kg	-67 kg	-55 kg	-61 kg	-53 kg	-57 kg	-54 kg
-75 kg	-61 kg	-75 kg	-61 kg	-68 kg	-59 kg	-63 kg	+54 kg
-84 kg	-68 kg	-84 kg	-68 kg	-76 kg	+59 kg	-70 kg	-----
+84 kg	+68 kg	+84 kg	+68 kg	+76 kg	-----	+70 kg	-----

Dječaci				Djevojčice			
10 god.	11 god.	12 god.	13 god.	10 god.	11 god.	12 god.	13 god.
-30 kg	-35 kg	-37 kg	-40 kg	-30 kg	-32 kg	-35 kg	-39 kg
-35 kg	-40 kg	-42 kg	-45 kg	-34 kg	-36 kg	-40 kg	-44 kg
-40 kg	-45 kg	-47 kg	-50 kg	-37 kg	-40 kg	-45 kg	-49 kg
-45 kg	-50 kg	-52 kg	-55 kg	-40 kg	-44 kg	-50 kg	-54 kg
+45 kg	+50 kg	+52 kg	+55 kg	+40 kg	+44 kg	+50 kg	+54 kg

Dopuštena tolerancija prekoračenje utvrđenih graničnih vrijednosti za sve kategorije je 0,200 kg. Kategorije se usklađuju sa pravilima BKF, EKF i WKF.

Na takmičenjima u pojedinačnoj konkurenciji nije dozvoljen susret takmičara različitih uzrasnih i težinskih kategorija ni u borbama ni u katama.

V TAKMIČENJA U SLUŽBENOM SISTEMU TAKMIČENJA

1. Prvenstvo za Seniore po težinskim kategorijama
2. Prvenstvo za Seniore u Katama pojedinačno i ekipno
3. Prvenstvo za Seniorke po težinskim kategorijama
4. Prvenstvo za Seniorke u Katama pojedinačno i ekipno
5. Prvenstvo za "U-21" muškarci po težinskim kategorijama
6. Prvenstvo za "U-21" muškarci kate pojedinačno
7. Prvenstvo za "U-21" žene po težinskim kategorijama
8. Prvenstvo za "U-21" žene kate pojedinačno



9. Prvenstvo za Juniore po težinskim kategorijama
10. Prvenstvo za Juniore u Katama pojedinačno i ekipno
11. Prvenstvo za Juniorke po težinskim kategorijama
12. Prvenstvo za Juniorke u Katama pojedinačno i ekipno
13. Prvenstvo za Kadete po težinskim kategorijama
14. Prvenstvo za Kadete u Katama pojedinačno
15. Prvenstvo za Kadetkinje po težinskim kategorijama
16. Prvenstvo za Kadetkinje u Katama pojedinačno
17. Prvenstvo za dječake 10 - 13 godina u borbama pojedinačno
18. Prvenstvo za dječake 8 - 13 u Katama pojedinačno i ekipno
19. Prvenstvo za djevojčice 10 - 13 godina u borbama pojedinačno
20. Prvenstvo za djevojčice 8 - 13 godina u Katama pojedinačno i ekipno
21. Ekipno prvenstvo države u borbama za Senior(Liga)
22. Ekipno prvenstvo države u borbama za Seniorke (Liga)
23. Ekipno prvenstvo za Juniore u borbama
24. Ekipno prvenstvo za Junirke u borbama

Odluku o održavanju ekipnog prvenstava i načinu održavanja ekipnog prvenstva za Seniore i Seniorke, Juniore i Juniorke donosi Upravni odbor Saveza.

POJEDINAČNA TAKMIČENJA

Zvanična prvenstva države se održavaju po KUP sistemu sa punim repasažom.

Prilikom žrebanja mogu se određivati nosioci grupa.

Za nosioce grupa mogu se odrediti finalisti sa prethodnog prvenstva ukoliko nastupaju u istoj disciplini i kategoriji.

EKIPNA TAKMIČENJA

Ekipno prvenstvo u borbama za Seniore, Seniorke, Juniore i Juniorke održavaju se na osnovu propozicija koje su sastavni dio ovog Pravilnika i bliže definišu ekipna takmičenja.

Ekipna takmičenja u Katama se održavaju u skladu sa ovim Pravilnikom, Pravilima Kata takmičenja i odlukama Upravnog odbora Saveza.



VI UTVRĐIVANJE UČESNIKA NA PRVENSTVIMA

Na Federalnom pojedinačnom prvenstvu u borbama i katama pravo učešća imaju po četiri takmičara u kategoriji iz svakog kluba, plus takmičari plasirani na prvo ili drugo mjesto u istoj disciplini i kategoriji sa prethodnog prvenstva države. Na Federalnom ekipnom prvenstvu u borbama i katama pravo učešća ima po jedna ekipa iz uredno registrovanog kluba.

U slučaju kvalifikacija za učešće na Federalnom prvenstvu pravo učešća bez kvalifikacija imaju takmičari, osvajači medalja sa prethodnog Federalnog prvenstva, ukoliko nastupaju u istoj istoj disciplini i kategoriji.

PRIJAVA ZA UČEŠĆE NA TAKMIČENJU

Na Prvenstvu Federacije, mogu učestvovati takmičari i ekipe uredno prijavljene od strane svojih klubova.

Oblik, sadržaj kao i vrijeme prijave određuje Takmičarska komisija Saveza. Najmanje 30 dana prije održavanja takmičenja klubovi trebaju biti obaviješteni o mjestu održavanja, satnici i svim ostalim detaljima vezanim za određeno takmičenje.

DOKUMENTI TAKMIČENJA

Na svim takmičenjima u KS FBiH, za prijavu i nastup takmičara obavezno je posjedovanje takmičarske knjižice, sa fotografijom, unijetim i ovjerenim podacima o identitetu, registraciji i ljekarskom pregledu.

ŽRIJEB

Žrebanjem rukovodi delegat takmičenja.

Žrebanje se može ponoviti samo pod uslovom da je prilikom žrebanja uočena greška.

Odluku o ponovnom žrebanju može donijeti samo delegat takmičenja.



VII RASPIS I ORGANIZACIJA TAKMIČENJA

Takmičarska komisija predlaže UO uvijete za dobivanje licencije za organiziranje turnira u narednoj godini najkasnije do 15.9. tekuće godine.

UO do 1.10. potvrđuje uvjete za dobivanje licence za organizaciju turnira u narednoj godini

Takmičarska komisija Saveza dostavlja raspis za sva takmičenja iz kalendara aktivnosti Saveza, karate klubovima, najmanje 30 dana prije održavanja određenog takmičenja.

Raspis mora da sadrži:

- a. Kategorije koje nastupaju
- b. Propozicije takmičenja,
- c. Mjesto održavanja,
- d. Sportski objekat u kojem se takmičenje održava,
- e. Tačnu satnicu odvijanja takmičenja,
- f. Naziv i logo tehničkog organizatora i
- g. Ostale podatke bitne za održavanje takmičenja kao npr. Sponzori, podaci o sportu grada u kom se održava i sl.

Prijave za tehničku organizaciju takmičenja se prikupljaju na osnovu internog konkursa. Za takmičenja iz naredne godine Interni konkurs se objavljuje u decembru tekuće godine.

Upravni odbor na osnovu prispjelih prijava i prijedloga Takmičarske komisije određuje tehničkog organizatora i mjesto održavanja svih takmičenja iz službenog sistema. Takmičarska komisija kao prilog Kalendara aktivnosti dostavlja usklađene uzrasne kategorije.

Odluka o tehničkom organizatoru odnosno mjestu održavanja Federalnog prvenstva donosi se u januaru naredne godine.

Istovremeno se određuje i rezervno mjesto održavanja, u slučaju da prvoizabrano mjesto otkáže organizaciju.

Nakon saopštavanja Odluke o izboru tehničkog organizatora Prvenstva, Savez i tehnički organizator potpisuju ugovor o pravima i obavezama tehničkog organizatora, odnosno Saveza.



MJESTO TAKMIČENJA

Sala za održavanje takmičenja mora da bude dovoljno prostrana da obuhvati najmanje 3 borilišta 12m x 12 m. Ostali uslovi prema Sudijskim pravilima.

Minimalni kapacitet gledališta je 1000 gledalaca.

Organizator mora obezbjediti sjedišta za zvaničnike, sudije i takmičare. Za takmičare 200 sjedišta odvojeno od publike, neposredno uz svako borilišta najmanje 10 mjesta za sudije, te 20 mjesta u središnjem dijelu gledališta za zvaničnike.

Organizator je dužan da obezbjedi podijum za pobjednike i da obezbjedi pravilnu i nesmetanu podjelu nagrada i medalja.

Preporučuje se podjela medalja neposredno po završenom takmičenju u okviru pojedinih kategorija.

Nagrade i medalje uručuje predsjednik Saveza ili lice koje on ovlasti, u pratnji predsjednika Organizacionog odbora, ili drugog lica koje odredi Organizacioni odbor.

Takmičarski prostor mora biti ograđen i u njega mogu ulaziti samo takmičari koji se takmiče u tom trenutku i ovlaštena lica.

Centralni zapisnički sto mora biti tako postavljen da ima pregled na sva borilišta.

Tehnički organizator takmičenja je dužan da obezbjedi sva potrebna materijalna sredstva u skladu sa ovim pravilnikom, Sudijskim pravilnikom, drugim normativnim aktima i odlukama upravnog odbora Saveza.

Tehnički organizator je dužan prijaviti takmičenje nadležnim institucijama u skladu sa Zakonom o javnom okupljanju.

Tehnički organizator je dužan da za vrijeme održavanja takmičenja obezbjedi redarsku službu.

ISHRANA

U službenom sistemu takmičenja Organizator nije dužan da obezbjedi hranu i smještaj za takmičare.



Na svim takmičenjima koja traju duže od 4 sata Organizacioni odbor takmičenja je dužan da obezbjedi posebnu prostoriju za odmor sudija, u kojoj će se posluživati hladna jela, hladni i topli napitci.

ZDRAVSTVENA ZAŠTITA

Važnost ljekarskog pregleda je 6 (šest) mjeseci.

Na svim takmičenjima u F BiH Organizator je dužan da obezbjedi ljekarsku ekipu (jedan ljekar za 2 borilišta), kao i vozilo hitne pomoći za prijevoz povređenih.

Ukoliko se ukaže potreba Organizator je dužan da obezbijedi ljekarske usluge i izvan sale.

OSIGURANJE

Za nastup na takmičenju svi takmičari registrovani u KS F BiH moraju biti osigurani.

Klub je dužan obezbjediti polisu osiguranja, kojom će se plaćati svi troškovi ljekarskih usluga i njege za takmičare koji su se povrijedili na takmičenju, a liječenje nisu osigurali na neki drugi način.

VAGANJE I PREGLED DOKUMENATA

Vaganje takmičara vrši delegat takmičenja uz prisustvo odgovornog lica za administraciju na takmičenju.

Vaganje se vrši samo jednom na atestiranoj vagi i to u danu kada takmičar nastupa.

Pregled dokumenta se vrši uoči prvog dana takmičenja, a provodi ga Delegat takmičenja u prisustvo lica zaduženog za administraciju.

Žrebanje se vrši uoči prvog dana takmičenja, a provodi ga delegat takmičenja u prisustvu lica zaduženog za administraciju.



ŽALBE

Žalbe se podnose delegatu takmičenja u pisanoj formi uz uplatu takse za žalbu, u iznosu 100,00 KM.

Sve žalbe razmatraju, delegat takmičenja i Odbor za proteste svako iz svog djelokruga rada. Donijeta odluka je konačna na tom takmičenju, a žalba na odluku se podnosi Upravnom odboru saveza u roku od tri dana uz uplatu takse u visini od 200,00 KM.

Žalbe u vezi registracije takmičara se uz uplatu predviđene takes podnose Delegatu takmičenja najkasnije prije žrijebanja, a delegate je dužan istu riješiti odmah.

DOKUMENTI TAKMIČARA

Sadržaj i formu svih dokumenata takmičenja određuje Takmičarska komisija uz saglasnost Upravnog odbora Saveza.

SLUŽBENA LICA TAKMIČENJA

Službena lica na svim takmičenjima su:

- Delegat takmičenja
- Sudije
- Ljekari

Za sva takmičenja u skladu sa odredbama ovog Pravilnika službena lica delegiraju nadležne komisije Upravnog odbora Saveza.

Sva ostala lica potrebna za kvalitetnu organizaciju takmičenja obezbjeđuje tehnički organizator takmičenja.

DELEGAT TAKMIČENJA

Delegata takmičenja određuje Takmičarska komisija Karate saveza FBiH, sa liste licenciranih delegata.

Listu delegata usvaja Upravni odbor Saveza na prijedlog Takmičarske komisije.

Službena uniforma Delegata takmičenja određena je Članom 2 Sudijskog pravilnika KS BiH.



SUDIJE

Za primjenu sudijskih pravila, suđenje, na takmičenjima u sistemu takmičenja Karate saveza Federacije BiH odgovoran je vrhovni sudija.

HOTELSKI SMJEŠTAJ

Hotel mora da bude pristojne kategorije. Sva službena lica će biti smještena u jednom hotelu.

Na svim službenim takmičenjima organizacioni odbor je dužan da za predsjednika, sekretara Saveza, delegirane sudije i delegata takmičenja obezbjedi besplatan smještaj i ishranu.

DISCIPLINSKE ODREDBE

Za prekršaje učinjene u toku borbe mjere suspenzije i ostale kazne izriče zbor sudija uz saglasnost vrhovnog sudije.

Za prekršaje odredbi ovog Pravilnika i ostalih normativnih akata prije, za vrijeme i poslije takmičenja mjere suspenzije i ostale kazne izriče delegat takmičenja. O eventualno izrečenim suspenzijama ili drugim kaznama Vrhovni sudija i delegate podnose detaljan izvještaj Upravnom odboru Saveza u roku od pet dana .

FINANSIJSKE ODREDBE

Sve finansijske obaveze vezane za takmičenja u Savezu regulisane su drugim normativnim aktima i odlukama Upravnog odbora Saveza.

ZAVRŠNE ODREDBE

Za sve što nije regulisano ovim Pravilnikom ili drugim normativnim aktima i odlukama Saveza, a pojavi se na takmičenjima odluku donosi vrhovni sudija i delegat, svako iz svog djelokruga rada.

Izmjene i dopune ovog Pravilnika vrše se na način i po postupku za njegovo donošenje.
Tumačenje ovog Pravilnika daju:



U prvom stepenu Delegat takmičenja za vrijeme trajanja takmičenja.

U drugom stepenu Takmičarska komisija.

U trećem stepenu Upravni odbor Saveza kao konačno tumačenje.

Pravilniok stupa na snagu danom donošenja.

Stupanjem na snagu ovog pravilnika prestaje da važi pravilnik Od 14.04.2017. godine

Broj: UO-5-P1/18

Sarajevo: 13.07.2018. godine

PREDSJEDNIK
KARATE SAVEZA FEDERACIJE
BOSNE I HERCEGOVINE



Mirsad Fejzić
Fejzić Mirsad